

# O Gaoioiga Anoa E Faamalosia Ai Lo'u Aiga



**Saunia e Jennifer Maddy**

Sa le fiafia Lucas. Ia fealualuai solo i le fale e saili se tasi la te taaalo. Sa taalo lona uso, o Ben, i le komepiuta. O lona tuafafine, o Sophie, o loo tesi i lana uo. Sa iloiloina e tina le meli, ma sa faitau tusi Tama.

“E le manaia iinei, o le tala lea a Lucas. Sa tilotilo atu tama mai lana tusi. “O le a le uiga o lau tala?”

“Tatou te le faia faatasi se mea,” o le tala lea a Lucas. “E fai a mea a le tagata ia.”

Na tapuni e tama lana tusi. “E sa’o oe,” o lana tala lea. “O le a ou faapotopoto faatasi le aiga, ma o le a tatou faia se mea malie.”

Sa ataata Lucas. “Lelei tele!”

I ni nai minute mulimuli ane, sa nonofo faatasi le aiga o Lucas, ma mafau fau i le mea e fai. Sa manaia Sophie e tesi lana uo. Sa fia taalo pea Ben i lana taaloga i le komepiuta.

“O la’u uo o Paulo e fiafia e o e savavali ma lona aiga,” o le tala lea a Lucas. “Ma e fiafia le aiga o Alexander e taaalo i taaloga.”

Ae sa le manaia Sophie e alu i fafo atu i le vevela o le tau, ma sa le mafai ona taalo Ben i ni taaloga ona sa afaina lona tapuvae.

“O mea fiafia na mo au uo e fai, Lucas,” na fai mai ai Tina, “ae o le a se mea e fiafia lo *tatou* aiga e fai?”

Na fai atu Ben e fiafia o ia e taaalo i luga o laupapa. Na fai atu Sophie e fiafia o ia e faitau. Na fai atu Lucas e fiafia o ia i taututuuga taavale.

“Sei o tatou pikiina se tasi o na mea e fai i le taimi nei,” o le tala lea a Tama. “Aisea tatou te le taaalo ai muamua i se taaloga i luga o le laupapa?”

E lei umi ae latou faataamilomilo uma i se taaloga ma amata ona taaalo. Ina ua mavae se taimi sa tuuese e Sophie lana telefoni. Na le toe tilotilo Ben i le komepiuta. E oo atu i le faaiuga o le taaloga, ua ataata uma tagata, ae sa tele ai lava le ataata a Lucas. ■

*E alala le tusitala i Iuta, ISA.*

**PESE**

- “O Le Aiga” (*Liahona*, Aperila 2004. 104)

**MANATU MO TALANOAGA FAALEAIGA**

Ua tau mai e perofeta ma aposetolo ia i tatou e taua le faaalaina o taimi faatasi se aiga. O le faia o mea faatasi ma lou aiga, o le a fesoasoani e te aoao le tasi i le isi ma maua ai le fiafia faatasi. O le a le mea e manaia lou aiga e fai? Talanoa pe faapefea ona fesoasoani na gaoioiga ia te outou e ola vavalalata faatasi ai. E mafai ona outou faia se sini e fai se gaoioiga fou se tasi o se aiga i lenei masina.

ATA NA TUSIA E ADAM KOFORD

**O SE MASINA O LE FIAFIA**

Fuafua faatasi ma lou aiga po o a gaoioiga tou te mananao e fai i lenei masina. A o outou faia se gaoioiga o loo faaalaina iinei, tipi le ata ma faapipii pe faakelu i luga o le aso tou te faia ai. Fai ni avanoa e faapoopoo i ai a outou lava gaoioiga!



## Aokuso 2014

					<b>1</b>	<b>2</b>
<b>3</b>	<b>4</b>	<b>5</b>	<b>6</b>	<b>7</b>	<b>8</b>	<b>9</b>
<b>10</b>	<b>11</b>	<b>12</b>	<b>13</b>	<b>14</b>	<b>15</b>	<b>16</b>
<b>17</b>	<b>18</b>	<b>19</b>	<b>20</b>	<b>21</b>	<b>22</b>	<b>23</b>
<b>24</b>	<b>25</b>	<b>26</b>	<b>27</b>	<b>28</b>	<b>29</b>	<b>30</b>
<b>31</b>						



Fai se taaloga



Fai se savaliga



O i le Malumalu



O i se tietiega uila



O e aau



Fai afiafi faaleaiga



Fai se pesepesega



Taaalo i se taaloga



Faitau se tala